

靈寶无量度人上品妙經卷之十二 地二

陰陽化生品

道言昔於太素皇極天中紫晨流光大善明
土受元始度人陰陽化生无量上品元始天
尊當說是經周回十過以召十方始當詣座

天真大神上聖高尊妙行真人无鞅數衆乘
空而來碧雲凝暉紫金交暎瓊花四集天籟
成音丹玉真與金華寶輦錦霞垂蔭絢彩蔚
彰三素擁輪九真齊轡七日七夜儀璘交照
五緯澄明瑞霧騰空鬱林藹秀一國地土山

川林木緬平一等无復高下土澤紺潤藁闕
飛霞衆真侍座元始天尊玄坐空浮五色師
子之上說經一徧諸天大聖同時稱善是時
一國男女明悟生機不天天壽說經二徧陰
陽合德玄醴昇和說經三徧飛仙蹈空靈真
布籙說經四徧地二神龍奮迅陰惡蠲消說經五
徧綠室生煙神窓照徹說經六徧卷茅甲拆
陽德冲晞說經七徧生道普圓相儀周足說
經八徧靈光垂蔭泉曲蒙恩說經九徧諸天
諸地品彙生成說經十徧衆真監盟顯示大

法是時一國是男是女莫不傾心皆受護度
咸得長生

道言是時元始天尊說經一徧東方无極无
量品元化大神无鞅之衆浮空而至說經二
徧南方无極无量品赤晶大神無鞅之衆浮
空而至說經三徧西方无極无量品素威大
神无鞅之衆浮空而至說經四徧北方无極
无量品鬱微大神无鞅之衆浮空而至說經
五徧東北无極无量品鎮極大神无鞅之衆
浮空而至說經六徧東南无極无量品風輪

卷第二十二

大神无鞅之衆浮空而至說經七徧西南无
極无量品太霄大神无鞅之衆浮空而至說
經八徧西北无極无量品廣運大神无鞅之
衆浮空而至說經九徧上方无極无量品高
玄大神无鞅之衆浮空而至說經十徧下方
无極无量品執成大神无鞅之衆浮空而至
十徧周竟十方无極天真大神一時同至一
國男女傾心歸仰執持寶幢花蓋紛委雲騁
風騎億萬咸集仰佇天尊敷演陰陽化生微
妙大法无鞅之衆雜沓莫區地發金玉惠露

數空於是元始天尊於眉間飛出日月之光
九芒十華大如彈丸去面九尺騰躍上下光
芒激射須臾徧滿天地十方世界混然一色
天人聖衆凝瞻不捨日月交暎化成一珠元
色殊特見者驚異於此珠中出見天文大字
玉書真圖龍鳳寶章龜蛇之勢廓落架布又
於珠光之中見層觀危樓數仞鳳臺麟閣琪
林華彩融麗碧虛去此地境懸停百丈元始
登引天真大神上聖高尊妙行真人十方无
極陰陽化生至真大神无鞅數衆俱入神珠

卷第二十三

之中天人仰看惟見拂拂從珠口中入既入
珠口不知所在國人廓散地還平正无復歌
陷元始即於神珠之內寶殿之中請命諸天
上帝統御陰陽調育化生諸天天尊八方真
宰五老帝君長生大君東極紫晨上官青華
帝君皓真金庭祖炁元皇南曦昊靈玉真北
玄水帝中黃太真玉華靈妃太玄炁母九靈
太妙陰陽化生萬道元母高皇帝尊列坐其
上十方暎見如隔瑠璃光炁合冥空歌揚音
其聲宛雅風和飄襲萬物遂成元始天尊顧

眇仙衆旋觀勝妙萬天敬禮龍騰虎擲化見
五輪紫金光明圓象即撫流雲山水蔚翠離
羅之帔攬雕瓊結珠金真飛光之几宣告衆
真曰此天文大字乃陰陽元根恍惚爲門神
爲化本炁是生因陰陽二物元本无名以其
相求變化所通一浮一沈一順一逆一剛一
柔一內一外一陰一陽一龍一虎含孕構精
故乃化生太虛太虛生太无太无生太洞太
洞生太空太空生太漠太漠者在空玄无極
之表交變陰陽以生二儀二儀生三才三才

生萬物三界具備仙真分之二金闕玉都百萬
 宮室山嶽列峙河流海澄此乃元始造化大
 器之旨而諸天上帝高真帝主仙聖賢哲亦
 從北生下至九府北酆泉高九地鬼神魔帥
 亦同其道至若人昇為仙轉凡成聖證位真
 階亦如陰陽造立天地以陰陽龍虎逆順修
 之可以神炁鍊形形鍊為炁炁鍊合神鍊神
 合无以无合道乃為高真真神飛化洞入自
 然以化以生與道同體聲教萬劫億載夜且
 爾不能悟輪轉諸業受苦報對皆由不知陰

陽生成之妙造化大器之由也又有取陰陽之精升降水火左日右月中涵太无流運九

北二

四

九凝爲紫華爾能服之合景飛昇上朝太清此亦陰陽化生外景至和之道隱諱玄曠詳著金簡玉冊之內封於玄都玉京高上真王

玉清之府東華寶輶之內浩劫一開度人无量元始即於神珠之內說經都竟衆真監度以授於我當此之時喜慶難言法事粗悉諸天復位倏歛之間寂无遺響是時天人遇值經法普得濟度明悟化生壽與天長傾土歸

仰咸見道元化性化見化理化明化因生神
生炁生精生動生物身有玉光聲洞靈音齊
同慈愛異骨成親國安民豐欣樂太平經始
出教一國以道預有至心宗奉禮敬皆得度
世

道言元始天尊說經中所言並是諸天上帝
內名隱韻之音亦是上聖高尊陰陽化生真
王內諱百靈之隱名也非世之常辭上聖已
成真入通玄究微能悉其章誦之十過諸天
遙昌萬帝設禮天波泛瑞紫海凝煙日月吐

輝璇璣迴燿群魔東形鬼精滅爽回屍起死
白骨成人至學之士誦之士過則五帝侍衛
三界稽首魔精喪眼鬼祆滅爽濟度垂死絕
而得生所以爾者以陰陽化生究其本始續
絕繼傷還得性命之根以道為父以德為母
以神為師以生為主穢炁普消體漸洞真召
制十方威制魔靈伏制地祇束縛妖爽但却
死而已不能更生輕誦此章身則被殃供養
尊禮門戶興隆世世昌熾與善因緣萬災不
干神明護門斯經尊妙獨步玉京度人无量

卷第二十六

為萬道之宗巍巍大範德難可勝

道言凡誦是經十過諸天齊到億曾萬祖幽
魂苦爽皆即受度上昇朱宮格皆九年受化
更生得為貴人而好學至經功滿德就皆得
神仙飛昇金闕遊宴玉京也上學之士修誦

是經皆即受度飛昇南宮世人受誦則陰陽
順化生道入身延壽長平後皆得作尸解之
道神魂暫滅不經地獄即得返形遊行太空
此經微妙普度无窮一切天人莫不受慶无
量之福生死蒙惠上天所寶不傳下世至士

靈寶度量人上品妙經

齋金寶效心盟天而傳輕泄漏慢殃逮七玄
責役冥官侍經五帝玉童玉女各二十四人
管衛神文得護受經者身

道言正月長齋誦詠是經上贖天地以時化
生枯林槁榦盡得繁榮白骨朽骸天和播精
真液內滋赤書經營太玄生符招還百神爲
上世亡魂斷地逮役度上南宮七月長齋誦
詠是經天真下直萬寶遂登陰化陽生華堅
膚凝五華結秀丹魂耀靈鑄鍊綠骨金髓玉
筋身得神仙諸天書名黃錄白簡削死上生

十月長齋誦誥是經玄一在前真一在後太
一居中陰陽合渙恍惚至神混然太朴道運
日新爲國王帝主君臣父子安鎮國祚保天
長存世世不絕常爲人君安鎮其方民稱太
平八節之日誦誥是經八景聚神元炁交并
陽施陰納質具性真周回還返金書紀名八
門九室隨意飛昇得爲九宮真人本命之日
誦誥是經胎真始生生本太真陰陽順道天
福自然魂魄保固萬炁俱仙不經干試壽曆
綿綿天元定籍大魔列言萬神朝禮名書上

天功滿德就飛昇太玄

道言行道之日皆當香湯沐浴齋戒入室
東向叩齒三十二通上關三十二天心拜
三十二過閉目靜思身坐青黃白三色雲
炁之中內外蒼冥有青龍白虎朱雀玄武

師子白鶴羅列左右日月照明洞煥室內
瓊生圓象光映十方如此分明密呪曰

无上玄元太上道右召出臣身中三五功曹
左右官使者侍香玉童傳言玉女五帝真符
直日香官各三十六人關啓所言今日吉慶

長齋清堂修行至經无量度人願所啟上徹

徑御

无上三十二天元始上帝至尊几前畢

引炁三十二過東向誦經

元始无量度人上品妙經

卷二

七

元始洞玄靈寶本章陰陽化生十轉度人天
元隱韻混洞自然浩劫難名陰陽結精含膏
貫悉大象開明動極成炎靜極成泉陽嘘陰
吹感化兆元龍呼於虎虎技於淵龍出於火

反復化生玄波妙有虛極成形五運摩關金
真成天王宮瑤闕九翠崇山內都億靈主校
萬仙玉精凝華雲章寶篇六十四體支變八
千陰陽炁交化生赤文无文不神无文不明
无文不立无文不形无文不化无文不升是
爲大梵天中之天恍惚存亡真道推遷兆知
其妙化體爲仙仙貴長生生炁綿綿九天鳳
炁大有之山下鎮百關長谷太元百二十官
環拱太玄大行梵炁周回十方中有度人不
死之神中有南極長生大君中有東林安寶

帝君中有度世司馬大神中有好生韓君丈
人中有南上司命司錄延壽益算度厄尊神
回骸起死无量度人今日校錄諸天臨軒
東方无極道憲神王長生大聖无量度人
南方无極神應神王長生大聖无量度人
西方无極炁合神王長生大聖无量度人
北方无極玄一神王長生大聖无量度人
東北无極陽範神王長生大聖无量度人
東南无極陰境神王長生大聖无量度人
西南无極正性神王長生大聖无量度人

靈寶度量人上品妙經

西北无極意化神王長生大聖无量度人
上方无極感妙神王長生大聖无量度人
下方无極真精神神王長生大聖无量度人
十方陰陽化生神王長生度世无量大神並
乘瓊文紫霄玄車景耀流光之輦飛空羽蓋
九二
碧霞回暎積珠丹輿素雲垂蔭虛轉虹輪駘
駕神鳳白虎持十華之幡建命魔之節暉暎
雲錦之旆泛蕩紫瓊之旌天龍靈獸肅歌囉
囉元皇啓途妙行翼轅億乘萬騎浮空而來
傾光回駕監真度生太微天帝王闕至真中

央黃老元素道君總執洞章齊到帝前陶鎔
鍊化簡告諸天情識因緣五行變生三元九
署品類聖凡下校三界无極神鄉太丹鬱霞
紫度炎光玉晶金馬石景中方天津帝臺冥
關扶桑交灌濯羅變合陰陽簡閱玉籍正道
明輪域於陰陽二炁交并以植萬品開化元
根生知妙元歸復神精三宮流運玉闕生華
身得神仙福及後昆拔度上世九祖七玄疾
除黑簿削落罪愆不得沈留速啓冥關虛皇
告命時刻昇遷北都寒池部衛形魂陽化其

靈寶度量上人妙品經

魂陰生其形形魂合道飛度朱陵逍遙解脫
昇化種民萬生欣慶隨運長存因緣輪轉與
天齊年永度大魔干試之難超凌三界逍遙
上清上清之天天帝鬱玄無色之境梵行

東方八天

陰陽化生之天起於西北
兆於子位出於東北生於

東齊於東南相見乎離成實
於西隨日之度以立天分

玉華元明天

帝嗣都元

墟極化度天

帝柳題灌生

萬寧重暉天

帝震光理監

玄期耀和天

帝需密爰芻

會昌鬱明天

帝嶽澄變徒

扶搖恭靜天

帝飄偃停隆

太易洞淳天

帝儔溢滋

玉光盈虛天

帝真玄昇

南方八天

炎明號名天

帝約迤淵圖

鳳炁丹華天

帝治乾方超

朱靈彤輝天

帝泰无萊

紫素禁理天

帝龍角爛基

輝神仙昇天

帝圓力寶昌

靈寶度量上人妙經

化應奉晨天

帝梵陽尚玄

務歛合真天

帝鬱靈標

重離洞陽天

帝僅宗九虛

西方八天

雲景利真天

帝祖璫元名

流輝素真天

帝保盟壽天

太華慶昭天

帝妙羅永神

極聲啓宗天

帝敷回正旂

金耀九司天

帝辯伯史英

浩都寶光天

帝靈元昌同

同作

太明監化天

帝三塗元

明梁元素天

帝暎神圓

北方八天

玉林元上天

帝裔玄本英

含景太真天

帝嚴固永期

龍願壽安天

帝歸烝祖道

流明玉清天

帝尊太液初

妙極周化天

帝號奕太无

紫蓋耀離天

帝泰定惠光

玄凝神秀天

帝杜吉元公

淵明澄虛天 帝晶天中皇

三十二天三十二帝諸天隱諱諸天隱名天
中空洞自然靈章諸天隱韻天中之音天中
之尊天中之神天中大魔天中之靈九陽十
陰變化生根无量之奧深不可詳敷落神真
普度天人陽胞陰胎胎固以神神為心本心
以意行心意合道寓以強名不知自然神則
變遷途隙守之神化為丹丹化炁炁祖玄化綿
綿陰施陽華鍊精保神魂永固合景飛昇
遊宴八極結滯散開九元妙本玄境生關混

沌大劫三道交騰魔王監舉无拘天門東斗
陽精西斗陰津北斗感胎南斗授生中斗運
斡五炁混冥青帝施政白帝布德赤帝養鍊
黑帝化育黃帝守道萬神无越青天魔王龍
耀玄格赤天魔王丹靈感發白天魔王皓華
玉澤黑天魔王神閻通徹黃天魔王朱嬰藏
月五帝大魔萬神之宗飛行三界總領仙兵
摩幢鼓節遊觀太空頌洞陰方玄激神風九
陽元化三景羅空大小境域仙聖真公恍惚
萬變猛馬毒龍長矛倚天玉杵摧峯真符流

火焚蕩祆凶九天前征大醜按嚴列陣北都
殺鬼億千无撓陰陽各遂化生三玄九官无
使散離瓊章上奏金馬騰飛普告无窮萬炁
齊歸三界五帝大振元機

閔都洞清神光晦冥梵行周羅雲結為京碧

嶽浮空太倉竦庭煙徊風搖鬱壘萬神帝元

真炁彌盈百千原於一成支為王嬰陰道洪

化陽魂秉權九變十合金闕聲聯綠窻吐日

靈網命仙水為太乙形若含蓮化生大神玉

號精延錦衣瓊幘坐鎮萬天亦自陰陽化生

所傳五符瓊笈上道之元化生天地日月循
環太空九炁中有玉淵湛鏡內象星斗外躔
天上天下无幽无冥无形无影无极无穷溟
滓大梵遼廓无光赤明開度運周自然元始
浩炁如雲如煙結空成字寶篆金篇赤書玉
符八景玄文保制劫運使天長存梵炁彌羅
萬品恢張元網流演三十二天輪轉无色周
回十方旋斗歷箕回度五常三十五分總炁
上元八景冥合炁入玄玄爲神母陰使陽
官消息長養動靜洪纖以不易泰以地合天

左入於右後極於先至道之機太空无關真
一等空化生之元化極而變變極而玄玄中
太皇上景飛纏朱霞舞空嘯詠合筵金眞朗
耀流運雲宮玉章召炁玄風散煙太霄鬱秀
輔化飛仙千和萬合自然成眞眞中有神長
七二
生大君洞房黃老青華帝君左右玉妃太一
十二
尊神司命在心桃康運精腦膜赤文混黃元
眞无无曰玄赤文命神執符把籙保命生根
上遊玉虛出入黃庭八冥之內細微之中下
鎮人身泥丸絳宮中理五炁混合百神十轉

回靈萬炁齊仙 仙道貴生无量度人上開八
門飛天法輪罪福禁戒宿命因緣普受開度
死魂生身身得受生上聞諸天諸天之上各
有生門中有太空合變之章魔王隱文辭參
高真

第一欲界魔王陰陽化生延壽隱訣

太一空无

偷然獨居

靜極生動

陰陽乃育

陽火陰水

流運周足

中以大和

萬炁齊鮮

冥通妙應

黃房發煙

白雲之門

有炁如泉

以彼取此
神定則止
或守以雄
長生保茲

以此得彼
赤入於黑
或守以雌

流轉無窮
黑還於赤
感化情性

第

一色界魔王陰陽化生神仙隱訣

光二

十三

溟滓无色
忽生混沌
玄定神生
中有神文
玉京玄山

太空晦黑
梵炁交度
天精赫奕
龍鳳曲折
九真鳳炁

二物相吞
九萬餘億
圓經千里
變化三靈
金井澄露

涓涓滂沛

絳闕萬天

生同根柢

復本去華

上升仙家

子若心得

吸咽流霞

流播琅玕

玉芝丹砂

非妙莫窺

日轉龍車

第三无色界魔王陰陽化生天地隱訣

欲色既盡

无色見前

恍惚空洞

中隱萬天

无色意存

意真惟精

意召即至

五辰三奔

日精月華

光耀生根

方寸神宮

宮羅玉真

心火九陽

鍊骨成金

上極无上

靈寶先天度量上人妙品經

下極淵源

火令急速

飛龍八巡

自陰自陽

化生隱存

天地大鼎

水火中分

不知生端

見道無門

生從感悅

神炁至精

霏霏瑞露

灌治群靈

三界安立

大漠渾淪

乘龍飛霄

羽蓋青裙

此三界之上飛空之中魔王歌音音參洞章
誦之百徧名度南宮誦之千徧魔王保迎萬
徧道備飛昇太空過度三界位登仙公有聞
靈章魔王敬形敕制地祇侍衛送迎拔出地

戶五苦八難七祖昇遷永離鬼官魂度朱陵
受鍊更生是謂無量普度无窮有祕上天文
諸天共所崇泄慢墮地獄禍及七祖翁

道言此二章並是諸天上帝及至靈魔王隱
祕之音內明陰陽化生天地媾精萬物孕成

地二

十四

之密要人知其要則久視延年神仙不死大
則上法三尊生天立地養育混沌中則移易
陰陽卷舒造化仰合天德下則龍虎陰陽混
合百神迴風紫煙道和百節潜用五行陰陽
變奉以至得道皆是大梵之言非世上常辭

靈寶度量人上品妙經

言无韻麗曲无華宛故謂玄奧難可尋詳上天所寶祕於玄都紫微上宮依玄科四萬劫一傳若有至人齋金寶質心依舊格告盟十天然後而付焉

道言夫此經元始天尊說陰陽化生之道誦之者生德自昌不見終滅以內隱陰陽祕諱生炁致祥之理惡禍併消自得元吉若天地運度否終日月五星虧盈聖神休否末學疾傷凡有比災同炁皆當齊心修齋六時行香十徧轉經福德立降消諸不詳无量之文普

度无窮

道言夫末學道淺或仙品未充運應滅度身
經太陰臨過之時同學至人爲其行香誦經
十遍必度屍形如法陰陽二官爲化生神炁
五藏自生還白童顏神魂徑上南宮隨其學
功計日而得更生輪轉不滅便得神仙

地二

十五

道言混沌大器中有神風主管生化隨時喻
張有如橐籥陰陽爲神往來其間神炁相投
剛柔構精自然化生而不知其生生亦无端
不見其垠誦誅此經生神來降故炁蕩絕天

地運終星宿錯度日月失昏四時失度陰陽
不調國境不豐兵革侵寇疫毒流行兆民天
傷師友命過皆當修齋行香誦經大齋戒誦
經功德甚重上消天災保鎮帝王下禳毒害
以度兆民生死受賴其福難勝故曰无量普
度天人

道言凡有是經能為天地帝主兆民行是功
德有災之日發心修齋燒香誦經十過皆諸
天記名萬神侍衛右別至人剋得為聖君金
闕之臣諸天記人功過毫分無失天中魔王

亦保舉爾身得道者乃當洞明至言也

諸天中大梵隱語无量音 道君撰

元始靈書中篇

東方八天

谷元子丹 玄育滋明 閔恪秘爐

宏池閱銘 窅陰起陽 三素飛精

北靈偶文 炁容孕真 玉峯金泉

神液零清 終核碧包 元根神臯

巨朗吟穴 皓震分交 化漑大源

華生寶遨

南方八天

庚糝心液 龍濟密芒 明霞滬鈿

巢火晉襲 煥峽顥英 養朱成膏

壁燦液露 亭曲華台 意雷迅飄

九旗洞招 烈煙混微 鼓冶凝飴

地二

十六

珞殊忻契 黃室和媒 雄守太廓

雌抱玄脂

西方八天

焰輪赤靈 交睽斗卿 鼎濟轉青

鄴制威摧 丙求癸朋 爽秀西冥

太丘紫爽
光蒸晨離
萌化尾氐

煥燭清微
生變質剛
混易筵儀

句土動箕
堂耀蔚啓
霄瓊復施

汪縻鄒岐

北方八天

葳蕤燾都
毛嶷乾姝
混綿而鈴

輔恢團曉
盜幾運召
愍帝迂通

私得還冥
泥文紫朦
无寂眇邈

行真嶠蓬
全利廣生
大眇玄穹

遠宙毫忽
龍隱仙蹤
海宗廓曜

玉崑神宮

道言此諸天中大梵隱語无量之音舊文祕於紫微上官以明陰陽化生神變造立三界之真機大道之奧蘊五色之雲蟠回成字紫金為界龍錦為篇字皆廣長一丈卷二天真皇人昔書其文以為正音有知其音十七能齋而誦之者諸天皆遣飛天神王下觀其身書其功勤上奏諸天萬神朝禮地祇侍門大勳魔王保舉上真道備剋得遊行三界昇入金門此音无所不辟无所不禳无所不度无所不成天

真自然之音也故誦之致飛天下觀上帝遙
唱萬神朝禮三界侍軒群袂束首鬼精自亡
琳琅振響十方肅清河海靜默山嶽吞煙萬
靈振伏招集群仙天無氛穢地無袂塵冥慧
洞清大量玄玄也

元始无量度人上品妙經卷之十二